

Leterengi Poli à tuŋ Efese kànhè dánafeebil'á ke

Mpe yii à yaa yii cè mà jwo yii jyè leterengi funᵛ jwumpe e ke

Efese u mpyi Azi kùluni kànbwòhe, nume pi maha lire mege pyi Turiki. Poli u à Jwumpe Nintanmpe jwo kuru kànhè shiinbil'á, ka pìi si jɛɛ pu na, maa dá Kafoonji Yesu na. Lire l'à pyi dánafeebii kuruŋke šiinkanni wani. U à yyee taanre pyi kuru kànhè e Kile jwumpe jɛwunji na. Puru funᵛke e u à dánafeebii kuruŋyi yà tìŋe tìŋe kuru kwùumpe kànyi puni na.

Poli à nge leterengi sém'a kan nje dánafeebii kuruŋy'á, maa Kile kayaani jwo. Lire kayaani li jye, mà nìnyinji yaayi puni ná nìŋke yaayi puni le nùŋufoo nìŋkin cye e. Uru nùŋufoonji u jye Yesu Kirisita (1.10). Kirisita à kwù, lire cye kurugo, u à Yahutuubii dánafeebii ná supyishinji sanŋi dánafeebii shwò, maa pi puni wà piye na mà pyi kuruŋo nìŋkin. Lire kurugo mpìi pi à dá Kirisita na ke, jɛɛnneŋi u mpyi nge supyishinji shuunniŋi shwòhòl'e ke, ur'à kwò (1--3).

U à li cya dánafeebil'á na pi piye kyaa táan piy'á, pi raa piye tère bà cyeere nìŋkinji yatanpyi maha báare sɛjɛyan me. Poli à li cyèe dánafeebii na na Kile sífent'à fànha tò sífente sannte puni na. Lire e u à li cya dánafeebil'á, pi Kile kàshikwònyaayi puni lwó, bà pi si mpyi si yyere Sitaanniŋi ná u nàjwòhòre karigii puni sigɛ me (4--6).

Jwumpe tasiige

1 ¹ Mii Poli u jye Yesu *Kirisita tùntunᵛ mà tàanna ná Kile nyii wuuni i ke, mii u à nge leterengi séme si ntun yii á, yii mpiimu pi à pyi Kile wuu, ná yii à taha Yesu Kirisita fye e tèrigii puni i [Efese kànhè e] ke. ² Wuu Tuŋi Kile ná wuu Kafoonji Yesu Kirisita pi jwò yii na, pi i yyenŋke kan yii á.

Kacɛnᵛkii Kile à pyi Yesu Kirisita cye kurugo ke

³ Wuu wuu Kafoonji Yesu *Kirisita Tuŋi Kile kèe, u à wuu wuuni jwò, yacɛnpyi *Kile Munaani maha nkaan ke, maa yire puni kan wuu á nìnyinji na, wuu ná Kirisita wwoŋɛge kurugo. ⁴ Uru cye kurugo, mà jwo diŋyɛŋi u dá ke, Kile mpyi a wuu cwòɛnrò, bà wuu si mpyi si *fínìŋe, si mpyi tìgìre cyaga baa u yyahe taan me. ⁵ U à wuu kyaa táan uy'á, lire na, mà ta diŋyɛ sàha dá me, u à li lwó uye funᵛ'i si wuu pyi u pyii Yesu Kirisita

cye kurugo. Lire l'à pyi u nyii wuuni mà yyaha tíi ná wuu e. ⁶Lire e ke wuu pèene taha u na, u kacenni nimbwooni kurugo. U à lire pyi wuu á u Jyaŋi Yesu Kirisita cye kurugo, uru ŋgemu kyaa l'à waha u á sèl'e ke.

⁷Yesu Kirisita à uye pyi sárage, maa wuu jùŋɔ wwû u sishange cye kurugo, maa wuu *kapegigii yàfa wuu na, mà tàanna ná Kile kacenni nimbwooni mpyiŋi i. ⁸Kile à sàa cyire pyi maa yákilifente shiŋi puni ná jcèŋi shiŋi puni kan wuu á. ⁹Mà tàanna ná u nyii wuuni i, kani u mpyi a yal'a yaha Yesu Kirisita cye kurugo, ná li mpyi a ŋwɔhɔ ke, u à lire cyêe wuu na. ¹⁰Lire li jye: tènì ká fûŋɔ, u sí n̄nyin̄i yaayi ná j̄ŋke wuyi puni le j̄ŋufoo nin̄kin cye e, uru u jye Kirisita.

¹¹Kirisita cye kurugo mú, Kile à wuu cwɔɔnrɔ mà pyi uye wuu. U mpyi a lire kani yaa fo tèmɔni i mà tàanna ná u nyii wuuni i. ¹²Lire e wuu pi à pyi shincyibii mà wuu sòŋɔre taha Kirisita na ke, wuu sí n-pyi kapuŋɔ Kile mege ku pèe.

¹³Yii mú pi ke, yii na jye Kirisita wwoŋɛge e, mà lwɔ yii à sèŋi jwumpe lógo yii zhwoŋi kyaa na ke, puru pu jye Jwumpe Nintanmpe. Yii à dá Kirisita na ke, Kile à fyè bwɔn yii na u Munaani ŋkanŋi cye kurugo yii á, u mpyi a lire ndemu jwɔmɛe lwɔ ke. ¹⁴Yacɛŋyi Kile à yal'a yaha u wuubii mɛe na ke, Kile Munaani l'à wuu pyi wuu à tèn ná l'e na wuu sí yire ta, Kile ká u wuubii jùŋɔ wwû feefee tènì ndemu i ke, bà u si mpyi si ŋkêe u mege mpèen̄i kurugo mɛ.

Poli à Kile jáare dánafeebil'á

¹⁵Pyiŋkanni na yii à dá Kafoŋi Yesu na sèl'e, ná pyiŋkanni na yii à Kile wuubii sanmpii kyaa táan yiy'á sèl'e ke, mii à lire lógo. ¹⁶Lire kurugo mii maha fwù kaan Kile á tèrigii puni maa u jáare yii kyaa na. ¹⁷Mii jarege funjke e, mii maha li caa wuu Kafoŋi Yesu *Kirisita u Kilen̄i á, uru ŋgemu u jye Tufoŋi s̄inampefoo ke, u yákilifente kan yii á sèl'e, u u uye cyêe yii na, bà yii si mpyi si u s̄énmɛge j̄cè mɛ. ¹⁸Mii na u jáare mú u u yii yákilibii múgo. Lire ká mpyi, u à yii yyere maa sòŋɔre tatahage ŋkemu kan yii á ke, yii sí kuru cè, kuru ku jye yaayi nisinapiyi n̄nyahayi u à yal'a yaha u wuubii mɛe na ke. ¹⁹Mii na li jáare u á mú, bà yii si mpyi si u sífente kakyanhala woore cè wuu dánafeebii kàmpanjke na mɛ. ²⁰Tire sífente cye kurugo mú, u à Kirisita j̄è a yige kwùŋi i, maa u pyi u à sà ntèn u *kàniŋe cyege na, n̄nyin̄i na. ²¹Yaayi n̄nyambaayi yi jye ná j̄ŋufente ná sífente ná f̄anhafente ná kafente e ke, Kile à u t̄ŋe yire puni jùŋɔ na, mà bàra mege maha mege ku jye na yiri yi na nume, ná mege maha mege ku sí n-pa raa yiri yi na t̄iŋi nimpan̄i i ke, u à u t̄ŋe yire puni jùŋɔ na. ²²Kile à yaayi puni t̄irig'a cyán u á, maa u pyi

dánafeebii kurunke ñunfooni, ²³ kuru ñkemu ku nyɛ u cyeere ke. Yaaga maha yaaga ku nyɛ u e ke, yire puni nyɛ kur'e maa mpyi cyeyi puni i.

Mà fwordo kwùñi i maa mpyi shì na

2 ¹ Yii pi ke, tɛni l'e, yii mpyi mu à jwo kwùu yii ntiimbaani ná yii *kapegigii kurugo. ² Yii mpyi maha cyire karigii pyi nge diɲyɛni sùpyire sannte fiige. Fànha yaayi yi nyɛ kafɛge e ke, yire ñunfooni nyii wuuni yii mpyi na mpyi. Mpii sí pi à ñunjo kyán Kile na ke, uru u nyɛ na báaraɲi pyi pire e, ali numɛ. ³ Wuu mú puni mpyi pire fiige, wuu mpyi maha wuu karigii pyi mà tàanna ná wuu yabilimpilii nyii wuuni i, nde l'à táan wuu cyeer'á ná nde l'à tige wuu funɲi ke, lire wuu mpyi maha mpyi. Lire kurugo Kile lùuni mpyi a yíri wuu taan pi sanmpii fiige.

⁴ ñka Kile ñunjaar'à pɛe sèl'e. U à wuu kyaa táan uy'á sèl'e. ⁵ Lire kurugo wuu pi mpyi kwùu fiige wuu kapegigii kurugo ke, u à wuu ñɛ a yige kwùñi i ná *Kirisita e. Yii li cè na Kile à ñwɔ yii na, maa yii shwɔ. ⁶ Wuu ná Kirisita wwoɲɛge kurugo, Kile à wuu ñɛ a yige kwùñi i ná u e, bà wuu si mpyi si ntɛɛn ná u e niɲyini i mɛ. ⁷ U à lire pyi Yesu Kirisita cye kurugo, bà u si mpyi si u kacenni tegele baa wuuni cyêe lyeɲwɔyi nimpayi na mɛ. ⁸ Yii li cè na Kile à ñwɔ yii na, maa yii shwɔ yii daniyaɲi cye kurugo. Yii yabilimpil'e bà lir'à fwordo mɛ. Kile u à lire pyi yii á mana. ⁹ Lire nyɛ a pyi yii kacɛɲkii cye kurugo mɛ, lire e sùpyani wà tufiige si n-jà uye pɛe mɛ. ¹⁰ Yii li cè na Kile à wuu pyi shinfɔnmii wuu ná Yesu Kirisita wwoɲɛge cye kurugo, kacɛɲkii mpyini mɛɛ na, u mpyi a cyire ɲcyiimu yal'a yaha, bà wuu si mpyi s'a cyi pyi mɛ.

Kirisita kwùñ'à Yahutuubii ná supyishiɲi sanɲi pyi pi à wwɔ

¹¹ Nyɛ pyiɲkanni na yii mpyi yycyigi na ke, yii sɔnɲɔ lire na kɛ! Yii pi nyɛ yii nyɛ *Yahutuu mɛ, Yahutuubii mpyi maha yii pyi na yii nyɛ a *kwɔn mɛ, maa ñko na pir'à kwɔn, mà li ta cyeere kanni na uru ñkwɔnɲ'à pyi. ¹² Lire tɛni i, yii mpyi a *Kirisita cè mɛ, yii mpyi *Izirayeli shiinbil'e mɛ, *tunmbyaare Kile mpyi a le ná u shiinbil'e maa yaayi ɲjemu ñwɔmɛɛ lwɔ ke, yii nàzhan mpyi yire e mɛ. Yii mpyi sɔnɲɔɔ tatahaga baa, yii mpyi a Kile cè mɛ. ¹³ Nyɛ yii laage ku mpyi a fyánha a tɔɔn Kile na ke, Yesu Kirisita à u sishange wu mà pyi sáraga, kuru kurugo yii à byanhara Kile na numɛ.

¹⁴ Uru u à yyeɲiɲke kan, maa Yahutuubii ná *supyishiɲi sanɲi wà piye na mà pyi niɲkin. Mâpenge ku mpyi pi shwɔhɔl'e kàsɔɔgɔ fiige ke, maa kuru kwɔ. ¹⁵ U kwùñi cye kurugo, u à *Musa *Saliyaɲi ná u toɲi karigii fànhe kwɔ. Lire pyiɲkanni na, maa supyishiɲi kuuyi shuunniɲi wà yiye na mà pyi supyishi niwɔnɲɔ niɲkin, maa yyeɲiɲke pyi k'à pa pi shwɔhɔl'e. ¹⁶ U

kwùñi cye kurugo kworokworocige na, u à màpenge kwò pi shwòhòl'e, maa yire kurunyi shuunninji wà yiye na mà pyi ninjin, maa pi ná Kile shwòhòñi yal'a ñwò. ¹⁷ Mpii laage ku mpyi a tóon Kile na, ná mpii pi mpyi a byanhara Kile na ke, Jwumpe Nintanmpe p'à yyaha tíi ná yyepinje e ke, u à pa puru jwo pi á. ¹⁸ Uru cye kurugo, wuu supyishinji kuuyi shuunninji sí n-jà tabaraga ta Tufoonji Kile na, *Kile Munaani ninuuni cye kurugo. ¹⁹ Lire kurugo yii saha nyé nàmpwuun, lire nyé me shintahantorii me, ñka yii à bàra Kile wuubii na nume, maa mpyi pyennugo shiin Kile bage e. ²⁰ Yii na nyé бага, Kile à ñkemu faanra ke. *Yesu túnntunmpii ná *Kile túnntunmpii pi nyé kuru bage nintaani, Yesu Kirisita yabilinji u nyé ku nintaani kafaage sèe woge mbìini na. ²¹ Uru cye kurugo, bage ñkununyi pun'à yiye cù cù, maa mpyi бага ñjcenje Kafoonji Kile á. ²² Uru cye kurugo mú, yii à pyi mu à jwo kafaaya y'à wà yiye na mà tèg'a бага faanra, Kile à tèn ñkemu i u Munaani cye kurugo ke.

**Supyishinji sanji u nyé u nyé Yahutuu me,
Poli à pyi Kile jwumpe jwufoo pir'á**

3 ¹ Lire kurugo mii Poli u nyé kàsunji i Yesu *Kirisita Jwumpe Nintanmpe ñjwuñi kurugo yii *supyishinji sanj'á ke, mii na Kile ñáare yii kyaa na. ² Kile à ñwò mii na, maa báarañi ñgemu kan mii á mà yyaha tíi ná yii e ke, yii wà tufiige nyé à pínni uru na me. ³ Kani Kile mpyi a yal'a yaha ná li mpyi a ñwòhò ke, u à lire cyêe mii na, bà mii à cyii ninjin ninjin séme yii á ñge letereñi i mà yyaha tíi ná l'e mà kwò me. ⁴ Yii aha cyire kâla, pyinñkanni na Kile à mii yákiñi múgo, ka mii i lire kañwòhòni cè mà yyaha tíi ná Kirisita e ke, yii sí lire cè. ⁵ Kile nyé a mpyi a lire kañwòhòni cyêe tècyiini sùpyire na, bà u à li cyêe nume u Munaani cye kurugo u túnntunmpii ná u jwumpe jwufebii na me. ⁶ Lire kañwòhòni li nyé: yaayi Kile sí n-kan *Yahutuubil'á ke, supyishinji sanji sí yire ninuyi ta, ñaha na ye pi à wwò maa mpyi ninjin, maa ñwòmèeni yaayi ninuyi ta Yesu Kirisita wwojjege e, Jwumpe Nintanmpe cye kurugo.

⁷ Kile à ñwò mii na u sífente cye kurugo, maa mii pyi u báarapyi puru Jwumpe Nintanmpe ñjwuñi kurugo. ⁸ Mii u nyé na naye sòññi Kile wuubii puni nimbileni ke, Kile à ñwò mii na, maa mii pyi mii i Kirisita kasinani tegèle baa wuuni yu supyishinji sanj'á. ⁹ Kile u à yaayi puni dá ke, kani u mpyi a ñwòhò fo tèemòni i ke, u à mii pyi mii i lire yige bènmpè na. ¹⁰ Lire e yaayi ñjnyambaayi yi nyé ná ñunufente ná fànhafente e ñjnyeñi ñunjo na ke, yire sí li cè nume dánafeebii kurunje cye kurugo, na yákiñifente na nyé Kile á karigii puni i. ¹¹ U mpyi a lire kani yaa mà ta ñjnye sàha dá me, maa mpa li pyi wuu Kafoonji Yesu Kirisita cye kurugo. ¹² Wuu ná Yesu Kirisita wwojjege funñke e, wuu dániyañi cye kurugo, wuu yákiñitèenre

wuubil'à tabaraga ta Kile na. ¹³Lire kurugo mii na li caa yii á, yyefuge e mii nye yii kurugo ke, yii àha kuru kani tègè màban fô yiye na me, jaha na ye mii nye k'e yii nùnjirire kurugo.

Poli à Kile jáare dánafeebil'á sahanji

¹⁴Lire kurugo mii maha na niŋkure sínni maa Tufoonji Kile jáare, ¹⁵uru ngemu u à nìnyinì ná niŋke yaayi puni meyi le ke. ¹⁶Mii na u jáare, bà u si mpyi si fànha le yii e u Munaani cye kurugo mà tàanna ná u sífente tegele baa woore e me. ¹⁷Yii dáníyanji cye kurugo, *Kirisita u tateenge wwû yii zòmpyaagil'e, yii i ndìre wà tàange e, yii i yiye waha kur'e. ¹⁸Lire e yii ná Kile wuubii sanmpii, yii sí Kirisita tàange tegele baa woge cè. ¹⁹Kuru tàange k'à tòro sùpyire puni taceŋke taan ke, yii sí kuru cè. Lire ká mpyi, yaayi puni yi nye Kile e ke, yire puni sí n-pyi yii e. ²⁰Yaayi wuu nye na jáare, lire nye me na sònŋi njemu na ke, mà tàanna ná Kile sífente ti nye wuu e ke, u sí n-jà yire kan wuu á fo si njà ntòro bá! ²¹Pèente ti taha u na tèrigii puni i dánafeebii kuruŋke shwòhòl'e Yesu Kirisita wwoŋe e e fo tèekwombaa. Amiina!

Dánafeebii ngwòŋi kani

4 ¹Nye lire kurugo, mii u nye kàsuni i Kafoonji Yesu *Kirisita mege kurugo ke, mii na li caa yii á, Kile à yii yyere ndemu mee na ke, yii raa jaare yii a ntàanni ná lire e. ²Lire li nye, yii sàa yiye tîrige, yii i mpyi nùmpinŋefee ná lùtaanfee, yii yiye karigii kwú tàange funŋke e. ³Yeyinŋke cye kurugo, *Kile Munaani à yii pyi yii à wwò wwoŋkanni ndemu na ke, yii yiye waha yii i ŋkwôro uru ngwòŋi i. ⁴Yii li cè na yii à pyi mu à jwo cyere niŋkin, Kile Munaani ninuuni li nye yii puni i. Kile à yii yyere maa sònŋore tatahage ŋkemu kan yii á ke, kuru mú na nye niŋkin. ⁵Kafoo niŋkin u nye, uru ninuŋi na yii pun'à dá, maa *batize uru ninuŋi mege na. ⁶Kile niŋkin u nye, uru u nye wuu puni Tuŋi, maa mpyi wuu puni nùŋ na, u na báaranji pyi wuu puni cye kurugo, maa mpyi wuu puni zòmpyaagil'e.

⁷Ŋka Kile à jwò wuu na, maa màkange kà kan wuu shin maha shin á mà tàanna ná Kirisita sùpyire kanŋkanni sumare e. ⁸Lire e y'à jwo Kile Jwumpe Semenji i na:

«Tèni i u à dùgo ke,
u à kàre ná bilii niŋyahamil'e,
maa mayaaya kan sùpyir'á^a.»

⁹U à dùgo nìnyinì i, di lire jwòhe nye ye? Lir'à li cyêe na u mpyi a fyànha a tige fo niŋke na. ¹⁰Ŋge u à tige ke, uru ninuŋi u à dùg'a kàre fo

^a4.8 Zaburu 68.18-19

cyeyi puni ninyinji na, bà u si mpyi si ninyinji ná nínke puni jî ná u sífente e mɛ. ¹¹ Uru u à pìi pyi *Yesu túnntunmii, maa pìi pyi *Kile túnntunmii, maa pìi pyi Jwumpe Nintanmpe jwufee, maa pìi pyi dánafeebii kurunke saɲcwɔnsigibii, maa pìi pyi ku cyelentii. ¹² U à lire pyi, Kile wuubii pi nye Kirisita cyeere ke, bà pi si mpyi si pire bégele báaraŋi mɛɛ na, pi raa si yyaha na Kile kuni i siɲcyan, ¹³ fo mpa mpyi niŋkin dániyaŋi ná Kile Jyaŋi ɲcɛŋi i mɛ. Lire ká mpyi, wuu sí raa si yyaha na Kile kuni i, si mpa fúnŋo Kirisita fiige.

¹⁴ Lire e ke wuu saha si n-pyi mu à jwo nàŋkopyire s'a fyínge raa mâre cyelentiibii kafinivinibii kàlaŋi kafɛɛge cye kurugo mɛ. Pi maha sùpyire yákilibii kɛɛŋi ná pi kàyituwɔgɔre e. ¹⁵ Ŋka wuu aha a sɛɛŋi yu tàange funŋke e, wuu sí raa si yyaha na karigii puni i Kirisita wwoɲɛɛge e. Uru u nye dánafeebii kurunke núnke. ¹⁶ Kuru núnke cye kurugo, cyeere yatanɲi pun'à sogo sogo yiye na, maa mpyi cyere niŋkin. Yire yatanɲi puni niŋkin niŋkinji ká a yi báaraŋi pyi, cyeere sí raa lyege si fánha ta tàange funŋke e.

Dánafeebii paaraŋkanni nivɔnni

¹⁷ Lire kurugo mii sí yi jwo n-waha yii á Kafoonji mege na na mpìi pi nye pi nye Kile kuni i ná yii e mɛ, yii àha raa yii karigii pyi pire wogigii fiige mɛ. Pire maha pi karigii pyi mà tàanna ná pi sòŋɔŋkanni laaga baa wuuni i. ¹⁸ Pi yákilibii nye a múgo mɛ, shiŋi nivɔnni Kile maha ŋkaan ke, pi Kile kuni ɲcɛmbaŋi ná pi niŋgyiwaani kurugo pi nàzhan nye ur'e mɛ. ¹⁹ Lire e silege saha nye a sù pi na mɛ, pi à piye yaha silege baa karigii laage e, maa katupwɔhɔyi shiŋi puni pyi. Pi funɲi nye a sù na ɲíŋini mɛ.

²⁰ Ŋka yii pi ke, amuni bà yii à *Kirisita kani taanna mà de! ²¹ Nàkaana baa yii à u kyaa lógo, yii mú s'à u kani taanna maa li sɛɛŋi cè, ²² na yii à yaa yii yii kapyinɲyegigii yaha. Sùpyaŋi u nye na ɲaare lire pyinŋkanni na ke, uru ɲyii karigii maha u wurugo, lir'a si u shi bò. ²³ Yii yii yákilibii ná yii sòŋɔŋkanni kɛɛŋe. ²⁴ Yii pyinŋkanna nivɔnnɔ lwó, nde li sí li cyêe na Kile à yii pyi shinfɔnmii ke. Lire li nye, katiigii ná fyɔnmpe karigii mpyinji, cyire maha ntaa sɛɛŋi cye kurugo.

²⁵ Lire kurugo yii láha kafinare na, shin maha shin u à sɛɛŋi yu u shinɲɛɛŋ'á, ɲaha na ye wuu pun'à pyi cyere niŋkin yatanya. ²⁶ Yii wà lùu ká yîri, u àha *kapii pyi mɛ, u bá kà canɲanyiini yaha li cwo ná lire lùyirini i mɛ^b. ²⁷ Yii àha Sitaanniŋi yaha u pyinŋkanna ta si yii yaha kapii na mɛ. ²⁸ Yii wà ká nta u mpyi nàŋkaawa, urufoo u láha nàŋkaage na, u raa báare sèl'e ntiŋi funŋke e, bà u si mpyi s'a kanhamafeebii tère mɛ. ²⁹ Jwumpimpe pà tufiige nye a yaa p'a fwoye yii ɲwɔyi i mɛ. Jwumɔ maha

^b4.26 Zaburu 4.5

jwumɔ pu sí n-jà sùpya pyi u a sì yyaha na Kile kuni i ke, yii a puru yu bà pu si mpyi si pu lógofebii tège me. ³⁰ Yii àha raa *Kile Munaani lùyiri karigii pyi me. Lire li nye Kile fyèñi yii na, ñgemu u à li cyêe na Kile sí n-pa yii ñùñɔ wwû feefee canŋka ke. ³¹ Yii àha wà nàvunŋɔ yaha yiye e me, yii àha mpyi lùpɛenfee me, yii àha yii lùgigii yaha cyi à yîri me, yii àha raa sêre sùpyire na me, yii àha raa cyàhii pyi me. Yii láha pege karigii shiñi puni na. ³² Yii a kacenñii pyi yiye na, yii raa ñùñaara taa yiye na, yii a yàfani yiye na, bà Kile à yàfa yii na Kirisita kurugo me.

5 ¹ Lire e ná yii kyaa s'à táan yii Tuñi Kile á, yii a u pyiñkanni taanni. ² Yii a yii karigii puni pyi tàange funŋke e, bà *Kirisita yabilin'á wuu kyaa táan uy'á fo mà uye kan kwùñ'á wuu kurugo, mà pyi sáraga ñkemu k'à táan Kile á ke.

³ Lire kurugo *jacwɔɔre ná kapwɔhɔyi shiñi puni ná funmbwɔhe, cyire karigii pyifoo nye a sàa yaa u ta yii shwɔhɔl'e me. Naha kurugo ye Kile wuubii nye a yaa pi a cyire karigii pyi me. ⁴ L'à pyi silege baa jwumɔ yo, l'à pyi ñùñɔ baa jwumɔ yo, l'à pyi keetupwɔhɔya yo, puru pà mú nye a yaa p'a fwore yii ñwɔyi i me, fo Kile fwùñi kanni. ⁵ Yii li cè na jacwoobii ná katupwɔhɔyi pyifeebii ná funmbwɔhe feebii, pire wà tufiige nàzhan nye a sii Kirisita ná *Kile Saanre e me. Funmbwɔhe ná kacyzunn'à tàanna.

⁶ Mpii pi à ñùñɔ kyán Kile na ke, cyire karigii cyi maha u lùuni pyi l'à yîri pire taan. Lire e yii àha n-sii wà yaha u yii ñwɔ fáanŋa a wurugo ná laaga baa jwum'i me. ⁷ Yii àha ñgwɔ ná pire mpil'e kyaa na me. ⁸ Yii li cè na tènì l'e, yii mpyi numpini i, ñka nume, Kafoonji wwoñeɛge cye kurugo, yii nye bènmpɛ e. Lire e ke yii a ñaare bènmpɛ sùpyiibii ñaarañkanni na, ⁹ naha na ye shinñi u nye na ñaare bènmpɛ e ke, urufoo kapyiñkii maha mpyi kacenñkii ná katiigii ná sèejwuuni. ¹⁰ Yii yiye waha nde l'à táan Kafoonji á ke, yii i lire cya a cè. ¹¹ Numpini karigii nye ná nàfan e me. Yii àha raa cyi pyi me, yii bá à yaa yii a cyi yige bènmpɛ na. ¹² Karigii tire sùpyire nye na mpyi numpini i ke, cyire ñjwuñi mú bá à sii silege. ¹³ Yii li cè na kyaa maha kyaa ñwɔhɔ k'à múgo ke, lire maha fworo bènmpɛ na. ¹⁴ Kyaa maha kyaa sí l'à fworo bènmpɛ na ke, lire yyaha maha ñcè. Lire kurugo y'à jwo:

«Mu u nye na ñwúuni ke,
yîri ñɔɔmpɛ na, ñè a fworo kwùubii shwɔhɔl'e,
Kirisita sí bènmpɛ yige mu á.»

¹⁵ Nye yii a yiye kàanmucaa, yii i yii toronkanni cè. Yii àha mpyi yákili baa shiin me, ñka yii pyi yákilifee. ¹⁶ Tènì li nye yii á ke, yii yiye waha yii raa kacenñii pyi, naha kurugo ye tiiñ'á kèege. ¹⁷ Lire kurugo yii àha mpyi funŋɔ baa shiin me, ñka nde li nye Kafoonji nyii wuuni ke, yii lire cya a cè. ¹⁸ Yii àha sinmpɛ bya si méɛ me, lire maha sùpyañi yaha silege baa karigii

mpyiŋi na, ŋka yii ŋî *Kile Munaani na t̄erigii puni i. ¹⁹Yii a màban leni yiye e ná Zaburu sémeŋi myahigii ná Kile p̄ente myahigii ná Kile kuni myahigil'e. Yii a Kafoonji p̄ere cyire myahigil'e ná yii zòmpyaagii puni i. ²⁰Yii a fwù kaan Tufoonji Kile á t̄erigii puni i karigii puni kurugo, wuu Kafoonji Yesu Kirisita mege na.

N̄ŋi ná u cwoŋi piye cùŋkanni

²¹Yii yiye t̄rige yiy'á *Kirisita yyaha fyagare kurugo. ²²Cyeebii, yii yiye t̄rige yii nàmbaabil'á, bà yii à yiye t̄rige Kafoonji á me, ²³ŋaha na ye n̄ŋi u ŋye u cwoŋi ñùŋke, bà Kirisita ŋye dánafeebii kurunke ñùŋke me^c. Dánafeebii kurunke ku ŋye Kirisita cyeere, u à kuru ŋkemu shwō ke. ²⁴Bà dánafeebii kurun'k'à kuye t̄rige Kirisita á me, amuni cyeebil'à yaa pi piye t̄rige karigii puni i pi nàmbaabil'á.

²⁵Nàmbaabii, yii yiye cyeebii kyaa táan yiy'á, bà Kirisita à dánafeebii kurunke kyaa táan uy'á, fo mà uye kan sáraga ku kurugo me. ²⁶U à lire pyi, si ku yaha kuye kanna na Kile á, ku fíninŋkwooni k̄antugo ná lwōhe e Jwumpe Nintanmpe cye kurugo, ²⁷bà u si mpyi si ku yaha uye yyaha taan ku s̄inampe e, fw̄n̄rō baa ná takuruyo baa ná cyire t̄icyiin baa me. Ŋka ku pyi ñc̄ège cyaga ná cwo cyaga baa. ²⁸Lire pyinŋkanni na, nàmbaabil'à yaa pi pi cyeebii kyaa táan piy'á, bà pi yabilimp̄ii cyeere kyal'à táan piy'á me. Shinŋi u à u cwoŋi kyaa táan uy'á ke, urufol'à uye kyaa táan uy'á. ²⁹Ŋaha kurugo ye s̄upyanji wà tufiige cyere kyaa ŋye a s̄àa pen u á me, ŋka u maha uye ñwō caa maa yaha uye na, bà Kirisita maha li pyi dánafeebii kurun'k'à me. ³⁰Wuu sí pi ŋye u cyeere yatanŋyi. ³¹Y'à jwo Kile Jwumpe Semēŋi na «Lire kurugo n̄ŋi sí u tuŋi ná u nuŋi yaha si mpwō u cwoŋi na, pi mú shuunni si mpyi shin ninŋin^d.» ³²Puru jwumpe ñwōh'à cūgo s̄èl'e. Mii na pu yu mà yyaha t̄ii ná Kirisita ná dánafeebii kurunke wwoŋe e. ³³Ŋka p'à yyaha t̄ii ná yii e mú: yii shin maha shin à yaa u u cwoŋi kyaa táan uy'á, bà urufol' kyal'à táan uy'á me. Cyeebii, yii p̄ene le yii nàmbaabil'e.

Sifeebii ná pyiibii piye cùŋkanni

6 ¹Pyiibii, yii yiye sifeebii ñwōm̄eni cū yii tàanna ná Kafoonji ñyii wuuni i, ŋaha na ye lire l'à t̄ii. ²Y'à jwo Kile Jwumpe Semēŋi i «Ma tuŋi ná ma nuŋi p̄e^e.» Kile Saliyanji kapyaaagil'e, kabilini ñinŋȳiini Kile à jwo maa ñwōm̄e jwo a taha li na ke, lire li ŋye lire. ³Ñwōm̄eni u à lwō ke, lire li

^c5.23 Pii maha jwo: «ŋaha na ye n̄ŋi u ŋye u cwoŋi ñùŋ na, bà Kirisita ŋye dánafeebii kurunke ñùŋ na me.»

^d5.31 Zhenezi 2.24. Lire ñwōhe ku ŋye: «Lire kurugo n̄ŋi ná u cwoŋi sí n-wwō si mpyi shin ninŋin, n̄ŋi ná u cwoŋi shwōh̄ŋ' à yaa u ñwō mà tòro n̄ŋi ná u sifeebii wuŋi na.»

^e6.2 Ekizodi 20.12

nye: «Mu shìŋi canmpyaagii sí nyaha, si ntáan jìŋke na^f.» ⁴Tiibii, yii pi ke, yii àha mpi yii pyìibii na s'a pi lùyiri karigii pyi mε, ŋka yii a pi byíi, yii raa pi yerege yii tàanna ná Kafoonj jwumpe e.

Bilibii ná pi jùŋufeebii piye cùŋkanni

⁵Bilibii, yii sàa yii jùŋufeebii jwómèeni cù pèente funŋke e ná funvyinge e, yii li pyi bà yii à *Kirisita jwómèeni cù mε. ⁶Yii àha raa pi nyìnyaga báaraŋi kanni pyi si nta ntáan pi á mε, ŋka yii a u pyi mu à jwo Kirisita bilii, mpiimu pi nye na Kile jyii wuuni pyi ná funŋo niŋkin i ke. ⁷Yii a báare pi á ná funŋcɛŋ'li mu à jwo Kafoonj á yii nye na báare, yii àha li pyi mu à jwo sùpyire kann'á yii nye na báare mε. ⁸Yii li cè na shin maha shin, mu na báare wà á yo, mu na báare may'á yo, Kafoonj sí n-pa sùpyire puni sàra si ntàanna ná pi kapyiŋkii niŋcɛŋkil'e.

⁹Jùŋufeebii, yii mú pi ke, yii yii bilibii cùmu lemε jwó, yii àha ntanha pi na mε. Yii li cè na jùŋufoonj ninuŋi u nye yii ná pire jùŋo na niŋyìŋi na ke, uru nye a sùpya pwóŋo sùpya na mε.

Dánafeebii kàshikwɔnyaayi kani

¹⁰Nye mpe mii sí n-bàra puru na ke, puru pu nye: yii a yii fàŋhe caa Kafoonj wwoŋεge e, uru fàŋh'à sàa pèe. ¹¹Yii Kile kàshikwɔnyaayi puni le yiye na, bà yii si mpyi si jà tayyérege niŋcɛŋε wwù, si Sitaanniŋi nàŋwɔhɔre karigii jùŋo bê mε. ¹²Yii li cè, wuu ná mpii pi nye kàshige na ke, sùpyii bà mε. Ŋka yaayi yi nye numpini i ná jùŋufente ná fàŋhafente ná kafente e diŋyeni jùŋo na ŋkèεgeŋi mεε na ke, wuu ná yire yi nye ku na. ¹³Lire kurugo yii Kile kàshikwɔnyaayi puni lwó, bà yii si mpyi si jà kuru kàshige kwɔn canmpege e mε, lire kàntugo yii begelenkanni niŋcɛnni kurugo, yii i jà a kwóro yii tayyérege e.

¹⁴Lire e ke yii bégel'a yaha, yii i sèeŋi pyi yii seepwɔge, yii i katiigii mpyiŋi pyi tɔɔnɔ vaaŋntiŋε yii le yiye na. ¹⁵Yyeŋiŋke ku nye na ntaa Jwumpe Nintanmpe cye kurugo ke, yii kuru pyi mu à jwo tanhanya yii tooyi na, bà yii si mpyi si jà njyére kàshige sige mε. ¹⁶Yii dányani pyi yii tɔɔnnte yabenke. Ná ur'e yii sí n-jà Sitaanniŋi ŋyahigii nage wogigii puni fùgo. ¹⁷Zhwoŋi yii à ta Kile á ke, yii uru pyi yii tɔɔnnte jùntoŋke. *Kile Munaani na kàshikwɔŋwɔɔni ndemu kaan ke, yii lire lwó, lire li nye Kile jwumpe.

¹⁸Yii a Kileŋareyi shìŋi puni pyi tèrigii puni i, Kile Munaani ntègeŋi funŋke e, yii i ŋkwóro lire na. Yii raa Kile jáare u wuubii puni kurugo. ¹⁹Yii a Kile jáare mii á mú, bà li si mpyi tère o tère e mii à na jwɔge múgo Jwumpe Nintanmpe njwuŋi mεε na ke, si jà raa pu kaŋwɔhɔni yu

raa fíniŋi fyagara baa mɛ. ²⁰ Puru njwuŋi kurugo *Kirisita à mii tìŋe, puru kurugo mii nɔyɛ yɔrɔyi na naha kàsɔŋi i. Yii a Kile náare mii á, bà mii si mpyi s'a pu yu pu jwuŋkanni na fyagara baa mɛ.

Jwumpe nizanmpe

²¹ Kyaa maha kyaa li nɔyɛ mii nùŋɔ taan, ná nde mii nɔyɛ na mpyi ke, wuu ntàannamacinmpworoŋi Tisike sí n-sà cyire puni jwo yii á. Kafooŋi báarapyi niŋcɛnɛ u nɔyɛ u wi. ²² Mii à li yîrige li kurugo maa u tun yii á, nde li naha wuu kàmpanŋke na ke, yii i lire cè, u u màban le yii e. ²³ Wuu Tuŋi Kile ná wuu Kafooŋi Yesu *Kirisita u yyeŋiŋke ná tàange ná dáníyaŋi kan cìnmpyiibii pun'á. ²⁴ Shin maha shin u à Kafooŋi Yesu *Kirisita kyaa táan uy'á sèeŋi na ke, Kile u nɔwɔ pire puni na, u u jwó le pi á!